



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

Dominica vigesima tertia

[urn:nbn:de:hbz:466:1-52716](#)

154 Dominica XXIII. post Pentecost.
demisi. Addamus Rosarium dolorosum, memores illius Xaveriani proverbii : *Quid te abjicis ad infima, qui natus es ad summa?*

Dominica XXIII. post Pentecosten.

EXHORTATIUNCULA I.

VIdet in platea publica hodie Princeps Evangelicus Christum. Ecce! citò accessit, & prostratus in terram adoravit. Si hæc in platea, quæ fieri oportet in ecclesia? S. Antoninus nos instruit dicens : *Ad ecclesiam sit humilis, & devotus accessus, nec ibi fiant parlamenta, nec judicia, vel vaniloquia, sed auditio, & meditatio attenta divinorum.* Ubi plerumque cor nostrum in templo? fortè ingemiscimus : Cogitationes meæ dissipatæ sunt, torquentes cor meum!

Instructio meritoria.

Quàm graviter increpat S. Chrysostomus, quos in templo cernit irreverentes.

tes. Tantus est risus, exclamat, tanta turbatio, sicut in balneis, sicut in foro; alios video stare, & nugare, dum preces fiunt. O audaciam! quando erit salus? quomodo placabimus Deum? nescis quod cum Angelis stes? & cum hymnos dicis, & stas ridens. Etenim non esset mirum, si fulmen dimitteretur non solum in illos, sed & in nos; fulmina enim haec digna sunt? Fili! qualis lectio illa? recordemur saepius, & cum majori timore, & reverentiâ flectamus in Ecclesia. Hodie Officium minus de SS. Altaris Sacramento persolvatur. Deus adest! apage cum ceteris aut sensuum, aut cogitationum insaniis!

II.

O Gaudium! revixit per Christum filia, quæ mortua fuit. O fili! hujus filiae resuscitatio est animæ peccatricis justificatio, teste S. Bonaventurâ. Filia tua est propria anima, defuncta per culpam, cui manus Christi imponitur per gratiam. Misereamur animæ! hac perditâ, perdidimus omnia. Animæ invi-

G 6 gilat

156 Dominica XXIII. post Pentecost.
gilat Deus : Invigilant inferi : Quid
homo ?

Instructio meritoria.

Sic est. *Omnes peccatores Christus resuscitat, si cessent à peccato, & ex toto corde pœnitentiantur.* Euseb. Emiss. Pœnitentiæ igitur sacramentali addamus & aliam, quam vocamus, supererogatoriam, cum licentia tamen R. Patris spiritualis peragendam. Quò plus dabitur, eò plus accipietur. Dileximus multum peccata remittentur plurima. In satisfactionem totius vitæ nostræ recitemus *Psalmos pœnitentiales.* Hoc lytrum, quò ingratitudinis humanæ expunguntur debita.

III.

CItò movetur Divinus medicus ad resuscitandam puellam, nec multis indigebat cæremoniis. *Tenuit manum ejus, & surrexit puella.* Longè major mora in resuscitatione Lazari. Non mirum : Nam quadriduanus veteranum nobis significat peccatorem, cuius resuscitatio propter procrastinationem est diffi-

difficillima. Aut non peccare! aut citò
poenitere! dilata poenitentia raro vera.

Instructio meritoria.

Infirmamur? fili! citò ad Medicum.
Cadimus? sine mora ad sublevantem
nos! porriget labentibus potenterim dex-
teram, si frequentem adhibeamus con-
fessionem. Huic assuescamus, & ab ea
absterrantem diabolum non audiamus.
Ubi, & quando contigit malum, ait S.
Aug. *ibi iterum moriatur malum.* Pœ-
nitentes ut verè nos probemus, *Litanias*
oremus de omnibus Sanctis. Præive-
runt! sequamur.

Dominica XXIV. post Pente-
costen.

EXHORTATIUNCULA I.

O Fili! tremenda sunt omnia, quæ
in hodierno leguntur Evangelio.
Dies tremenda! dies illa, dies iræ, cala-
mitatis & miseriæ, dies magna, & ama-
ra valdè instat, jam citat, & vocat.
Væ mihi (suspirat S. Martyr Cyprianus)

G 7

cum